




MANDATI

- Institucion gjyqësor i përkohshëm.
- Mandat dhe juridiksion mbi krime kundër njerëzimit, krime lufte dhe krime të tjera të parapara në legjislacionin e Kosovës, siç përcaktohet në nenin 15 të Ligjit për Dhomat e Specializuara dhe Zyrën e Prokurorit të Specializuar.
- Vetëm përgjegjësi penale individuale.
- Krimet e pretenduara janë kryer midis 1 janarit 1998 dhe 31 dhjetorit 2000 dhe lidhen me pretendimet që përmban Raporti i Asamblesë Parlamentare të Këshillit të Evropës i vitit 2011.
- Dhomat e Specializuara të Kosovës kanë juridiksion mbi persona fizikë të cilët janë shtetas të Kosovës/ Republikës Federale të Jugosllavisë (RFJ), ose mbi persona të akuzuar për kryerje krimesh kundër personave që janë shtetas të Kosovës/RFJ-së.
- Dhomat e Specializuara të Kosovës mundësojnë pjesëmarrjen e viktimave në procedura.

STRUKTURA



PUNONJËSIT

- Në përputhje me Shkëmbimin e Letrave të vitit 2014 midis Presidentes së Kosovës dhe Përfaqësueses së Lartë të Bashkimit Evropian, në Dhomat e Specializuara të Kosovës punojnë punonjës dhe gjykatës ndërkombëtarë.
- Mund të aplikojnë shtetas të 27 shteteve anëtare të BE-së dhe të shteteve të tjera kontribuese (Kanada, Norvegji, Turqi, Shtetet e Bashkuara, Zvicër).

DOKUMENTE THEMELORE

- Ligji për ratifikimin e marrëveshjes ndërkombëtare - ratifikuar prej Kuvendit të Kosovës më 23 prill 2014.
- Kushtetuta dhe Amendamenti Kushtetues, Neni 162: Dhomat e Specializuara dhe Zyra e Prokurorit të Specializuar - miratuar nga Kuvendi i Kosovës më 3 gusht 2015.
- Ligji për Dhomat e Specializuara dhe Zyrën e Prokurorit të Specializuar - miratuar nga Kuvendi i Kosovës më 3 gusht 2015.
- Rregullorja e Procedurës dhe e Provave e Dhomave të Specializuara të Kosovës - ndryshuar për herë të fundit në qershor 2020.

KRONOLOGJI E DHOMAVE TË SPECIALIZUARA TË KOSOVËS

GUSHT 2015

Kuvendi i Kosovës miratoi nenin 162 të Kushtetutës së Kosovës dhe Ligjin për Dhomat e Specializuara dhe Zyrën e Prokurorit të Specializuar.

PRILL 2016

Dr. Fidelma Donlon u emërua Administratore e DHSK-së, çka shënoi fillimin e punës së institucionit në Hagë. Dr. Donlon u riemërua Administratore në prill 2020.

SHTATOR 2016

Dejvid Shvendiman u emërua Prokuror i Specializuar.

DHJETOR 2016

Gjykatëse Ekaterina Trendafilova u emërua Kryetare e Dhomave të Specializuara dhe filloi punën në janar 2017. Gjykatëse Trendafilova u riemërua Kryetare në dhjetor 2020.

JANAR 2017

Hyri në fuqi Marrëveshja me Shtetin Pritës, e cila përbën bazën ligjore që u mundëson Dhomave të Specializuara të Kosovës kryerjen e procedurave gjyqësore në Holandë.

SHKURT 2017

Emërimi i nëntëmbëdhjetë gjykatësve në Regjistrin e Gjykatësve Ndërkombëtarë.

MARS 2017

Gjykatësit miratuan Rregulloren e Procedurës dhe të Provave. Në qershor 2017, Dhoma e Specializuar e Gjykatës Kustetuese konfirmoi përputhshmërinë e Rregullores me Kushtetutën. Ndryshimet më të fundit hynë në fuqi në qershor 2020.

MAJ 2018

Pietro Spera u emërua Avokat i Popullit i Dhomave të Specializuara të Kosovës.

SHTATOR 2018

Xhek Smith u emërua Prokuror i Specializuar pas dorëheqjes së Dejvid Shvendimanit.

SHKURT 2020

Prokurori i Specializuar bëri të njohur synimin e tij për nisjen e procedimeve dhe Kryetarja, Ekaterina Trendafilova caktoi Gjykatësin e Procedurës Paraprake për shqyrtimin e aktakuzave.

SHTATOR 2020

Regjistrin të Gjykatësve Ndërkombëtarë iu shtuan gjashtë gjykatës të tjerë.

SHTATOR/TETOR 2020

Arrestimi, transferimi dhe paraqitjet e para të Salih Mustafës, Hysni Gucatit dhe Nasim Haradinajt.

NËNTOR 2020

Arrestimi, transferimi dhe paraqitjet e para të Hashim Thaçit, Kadri Veselit, Rexhep Selimit dhe Jakup Krasniqit.

MARS 2021

Arrestimi i Pjetër Shalës në Belgjikë, pasuar nga transferimi në Hagë dhe paraqitja e tij e parë në prill 2021.

SHTATOR/TETOR 2021

Fillon gjykimi në çështjet Prokurori i Specializuar kundër S. Mustafës dhe Prokurori i Specializuar kundër H. Gucatit dhe N. Haradinajt.

MAJ 2022

Trupi Gjykues shpalli aktgjykimin në çështjen gjyqësore Prokurori i Specializuar kundër Hysni Gucatit dhe Nasim Haradinajt.

NËNTOR 2022

Aleks Uajting, pas largimit të Xhek Smith, u emërua Ushtrues i Detyrës së Prokurorit të Specializuar.

DHJETOR 2022

Shpallet aktgjykimi në çështjen gjyqësore Prokurori i Specializuar kundër Salih Mustafës.

SHKURT 2023

Shpallet aktgjykimi i apelit në çështjen gjyqësore Prokurori i Specializuar kundër Hysni Gucatit dhe Nasim Haradinajt.

SHKURT 2023

Fillon gjykimi në çështjen gjyqësore Prokurori i Specializuar kundër Pjetër Shalës.

PRILL 2023

Fillon gjykimi në çështjen Prokurori i Specializuar kundër H. Thaçit, K. Veselit, R. Selimit dhe J. Krasniqit.

PRILL 2023

Shpallet urdhri për zhdëmtimin e viktimave në çështjen Prokurori i Specializuar kundër Salih Mustafës.

QERSHOR 2023

Kimbërlin Uest u emërua Prokurore e Specializuar.

TETOR 2023

Arrestimi, transferimi dhe paraqitjet e para të Sabit Januzit dhe Ismet Bahtijarit.

TETOR/ DHJETOR 2023

H. Gucati dhe N. Haradinaj lirohen me kusht pas modifikimit të dënimeve të tyre.

NËNTOR 2023

Arrestimi, transferimi dhe paraqitja e parë e Isni Kilajt.

DHJETOR 2023

Arrestimi, transferimi dhe paraqitja e parë e Haxhi Shalës.

DHJETOR 2023

Shpallet aktgjykimi i apelit në çështjen Prokurori i Specializuar kundër Salih Mustafës.

QERSHOR 2024

Emërimi i një gjykatësi të ri në Regjistrin e Gjykatësve Ndërkombëtarë pas largimit të një gjykatësi tjetër.

KORRIK 2024

Shpallet aktgjykimi në çështjen gjyqësore Prokurori i Specializuar kundër Pjetër Shalës.